

說  
郛

正  
五

12  
6  
7





112  
67



說郭目錄

弓第五

三墳書

易飛候

易洞林

易稽覽圖

易川靈圖

易通卦驗

尚書旋璣鈴



說郭目錄

弓五



尚書帝命期

尚書考靈耀

尚書中候

詩含神霧

詩紀曆樞

春秋元命包

春秋運斗樞

春秋文曜鉤

春秋合誠圖

春秋孔演圖

春秋說題辭

春秋感精符

春秋潛潭巴

春秋佐助期

春秋緯

春秋後語

春秋繁露

禮稽命徵



禮含文嘉

禮斗威儀

大戴禮逸

樂稽耀嘉

孝經援神契

孝經鈎命決

孝經左契

孝經右契

孝經內事

五經折疑

五經通義

龍魚河圖

河圖括地象

河圖稽命徵

河圖稽耀鈎

河圖始開圖

洛書甄耀度

遁甲開山圖



淮南畢萬術

三墳書

陶宗儀訂

山墳

天皇伏犧氏

連山易

崇山君 君臣相 君民官 君物長 君陰后

君陽師 君兵將 君象首

伏山臣 臣君侯 臣民士 臣物龜 臣陰子

臣陽父 臣兵卒 臣象股

三墳書





列山民 民君食 民臣力 民物貨 民陰妻

民陽夫 民兵器 民象體

兼山物 物君金 物臣木 物民土 物陰水

物陽火 物兵執 物象春

潛山陰 陰君土 陰臣野 陰民鬼 陰物獸

陰陽樂 陰兵妖 陰象冬

連山陽 陽君天 陽臣幹 陽民神 陽物禽

陽陰禮 陽兵譴 陽象夏

藏山兵 兵君帥 兵臣佐 兵民軍 兵物材

兵陰謀 兵陽陣 兵象秋

疊山象 象君日 象臣月 象民星 象物雲

象陰夜 象陽晝 象兵氣

地墳

人皇神農氏

歸藏易

天氣歸 歸藏定位 歸生魂 歸動乘舟

歸長兄 歸有造物 歸止居域 歸殺降

地氣藏 藏歸交 藏生卯 藏動鼠



藏長姊 藏育化物 藏止重門 藏殺盜

木氣生 生歸孕 生藏害 生動勳陽

生長元胎 生育澤 生止性 生殺相尅

風氣動 動歸乘軒 動藏受種 動生機

動長風 動育源 動止戒 動殺虐

火氣長 長歸從師 長藏從夫 長生志

長動麗 長育違道 長止平 長殺順性

水氣育 育歸流 育藏海 育生愛

育動漁 育長苗 育止養 育殺備

山氣止 止歸約 止藏淵 生止貌

止動濟 止長植物 止育潤 止殺寬宥

金氣殺 殺歸尸 殺藏墓 殺生無忍

殺動干戈 殺長戰 殺育無傷 殺止動

形墳

地皇軒轅氏

乾坤易

乾形天 地天降氣 出天中道 月天夜明

山天曲上 川天曲下 雲天成陰 氣天習蒙



坤形地 天地圓丘 地圓宮 月地斜曲

山地險徑 川地廣平 雲地高林 氣地下濕

陽形日 天日昭明 地日景隨 日月從朔

山日沉西 川日流光 雲日蔽露 氣日昏蔽

陰形月 天月淫 地月伏輝 日月代明

山月升騰 川月東浮 雲月藏宮 氣月冥陰

土形山 天山岳 地山磐石 日山危峰

月山斜巔 川山島 雲山岫 氣山巖

水形川 天川漢 地川河 日川湖

月川曲池 山川澗 雲川溪 氣川泉

雨形雲 天雲祥 地雲黃雲 日雲赤曇

月雲素雯 山雲疊峰 川雲流霽 氣雲散彩

風形氣 天氣垂氤 地氣騰氤 日氣晝圍

月氣夜圓 山氣籠烟 川氣浮光 雲氣流霞



易飛候

漢 京房

鼠舞國門厥咎亡鼠舞於庭厥咎誅死

四方常有天雲五色具其下賢人隱青雲潤澤蔽日  
在西北爲舉賢良

正月有偃月必有嘉王

凡日食背於晦朔不於晦朔食者名曰薄主人民有  
災患也

視四方常有青雲主豐



雲在西南爲舉士

春冬乾王不周風用事人君當興邊兵治城郭行刑  
斷獄訟繕宮殿

何以知聖人隱也風清明其來長久不動搖物此有  
龍德在下也

凡候雨以晦朔弦望雲漢四塞者皆當雨如斗牛莖  
當雨暴有異雲如水牛不三日大雨黑雲如群羊奔  
如飛鳥五日必雨雲如浮舡皆雨北斗獨有雲不五  
日大雨四望見青白雲名曰天寒之雲雨徵蒼黑雲

細如杼軸蔽日月五日必雨雲如兩人提鼓持桴皆  
爲暴雨

太平之時十日一雨凡歲三十六雨此休徵時若之  
應

有雲大如車蓋十餘此陽火之氣必暑有暘者



易洞林

闕名

郭璞避難至新息有人以茱萸令璞射之璞曰子如  
小鈴含玄珠構支言之是茱萸

太子洗馬荀子異家中以龍銅魁作食歛鳴李尤羹  
魁銘曰羊羹不徧駟馬長驅

丞相從事中郎王文英家枕自作聲

曲阿令趙元瞻兒字虎舒從吾學卜自求著作卦見  
吾有盛艾小陵龜欲得之不與語之曰當作卦相爲



致此物合自來復數曰果有一龜入廐虎舒後見吾  
言偶有一物試可占之若得當再拜輸一好角弓卽  
便作卦曰案卦之是爲龜虎舒奉弓起再拜

郭璞爲左尉周恭卜云君墮馬傷頭尉後乘馬行黃  
昏坂下有犢車觸馬馬驚頭打石上流血殆死  
日爲流珠青龍之俱

東夷之人以牛骨占事呈示吉凶無往不中牛非含  
智之物骨有若此之効

趙朔善占卦氣客有卜田者得履之四朔日子歸筮  
有逸豚已而果然



易稽覽圖

闕名

太平時陰陽和風雨咸同海內不偏地有險易故風有遲疾雖太平之政猶有不能均同也唯平均乃不鳴條

降陰爲雨降陰之雨潤而破塊

夏至後三十日極溫夏至景風至蟬始鳴螳生

夏至之後三十日極熱

冬至之後三十日極寒



陰陽和合爲電輝輝也其光長

日春行東方青道曰東陸

夏日月行東南赤道曰南陸

天有十二分以日月之所躔也

日者陽德之母也

天地開闢五緯各在其方至伏羲氏乃合故曆以爲元

陰宅以日奇陽宅以月耦陰宅先內男子當令奇陽宅內女子當令耦乃吉陰宅內男子三人陽宅內女

子二人



易川靈圖

闕名

帝者天號也德配天地不私公位稱之曰帝天子者  
繼天治物改正一統各得其宜父天母地以養生人  
至尊之號也大君者君人之盛也  
靈著四十九莖下有千歲龜守之  
宓犧作易無書以畫事  
黃氣抱日輔臣納忠德至於天日抱戴  
吐珠於澤誰能不含



至德之萌若連璧

至德之萌五星若貫珠

聖人受命瑞應先於河瑞應之至聖人殺龍龍不可  
殺皆感氣君子得衆人之助瑞應先見於陸瑞應之  
至君子發地蛇不如龍陸不如河

蠶陽者火火惡水故食不飲桑者土之液水生火故  
蠶以三月葉類會精合相食

建日始五際而八節通卯酉之際爲革政午亥之際  
爲革命

陽氣出于東北入于西北發于孟春畢于孟冬



易通卦驗

闕名

震東方也立春春分日青氣出直震此正氣也氣出  
右物半死氣出左蛟龍出震氣不出則歲中少雷萬  
物不實人民疾熱  
離南方也夏至日中赤氣出直離此正氣也氣出右  
萬物半死氣出左赤地千里

遂皇始出握機矩表計實其刻白蒼牙通靈昌之成  
孔演命明道經靈羲作易仲命德紀衡周文增通八



八之節轉序三百八十四爻以繫王命之瑞故正其  
其本而萬物理失之毫釐差以千里

人君冬至日使八能之士鼓黃鐘之瑟瑟用槐木長  
八尺一寸夏至日瑟用桑木長五尺七寸

鵲者陽鳥先物而動先事而應見於木風之象

夏至小暑伯勞鳴搏勞性好單棲其飛狡其聲嗅嗅  
夏至應陰而鳴冬至而止

仲夏之月反舌無聲反舌有聲佞人在側

驚蟄大壯初九桃始華不華倉庫多火

冬至初陽雲出箕如樹木之狀



尚書旋璣鈴

闕名

上清下濁號曰天地

禹開龍門導積石出玄珪出刻日延喜王受德天錫  
佩

少室之山大竹堪為釜甑

有神人名石年蒼色大眉戴玉理駕六龍出地輔號  
皇神農始立地形甄度四海東西九十萬里南北八  
十一萬里



人皇氏九頭駕六羽乘雲車出谷口分九州

在政不私公位稱之曰帝

帝者天號王者人稱天有五帝以立名人有三王以正度天子爵稱也皇者煌煌也

天子之尊也神精與天地通血氣含五帝精天愛之子也

冬至陰雲郡寒有雲迎日者來歲大美此並聖德光被上感天心請付有司以彰嘉瑞從之

房爲明堂主布政參爲大辰主斬刈兼此二者故聖

王重齒爲表



尚書帝命期

闕名

桀失玉鏡用其噬獸

桀無道夏出霜

有人大口兩耳參漏足文履已首戴鈞鈴胸懷玉斗  
分別九州隨山濬川任土作貢

天道無適莫常傳其賢者

禹白帝精以星感修已山行見流星意感栗然生姒  
戎文禹



前書命其一  
桀失其玉鏡用其噬虎

夏桀無道殺伐龍逢紀滅皇圖壞亂曆紀殘賊天下  
賢人遁逃淫色嫚易不事祖宗

賊起蜚卯生虎

有人雄起戴玉英祈旦失籥亡其金虎東南紛紛注  
精起

虞舜聖在側陋無耀顯都握石椎懷神珠

秦失金鏡魚日入珠

卯金出軫握命孔符

春鳥星昏中以種稷夏火星昏中以種黍菽



尚書考靈耀

闕名

通天文者明審地里者昌明者天之時也昌者地之財也明王之治鳳凰下之

地有四游冬至地上行北而西三萬里夏至地下行南而東三萬里春秋二分是其中矣地常動移而人不知譬如人在大舟中閉牖而坐舟行不覺也從上臨下八萬里天以圓覆地以方載

晦而月見西方謂之朏朔而月見東方謂之側匿



尚書考靈樞  
秦王政以白璧沉河有黑頭公從河中出呼政曰祖  
龍來授天寶開中有尺二玉牘

五百載聖紀符

五星若偏珠旋璣中星星調則風雨時

日旁氣白者爲虹

火星爲夏期專陽相同精感符

虛星爲秋候昴爲冬期陰氣相佐德乃不邪予助母  
收合子符

桑木者箕星之精木虫食葉爲文章人食之老翁爲

小童



尚書中候

闕名

堯沉璧于河白雲起迴風搖落

帝堯卽政景星出翼

堯卽政七十載鳳凰止庭巢阿閣護樹

周天子發渡孟津火自上復乎下至於王屋流爲鳥  
其色赤其聲魄云

周公歸政于成王太平制禮鸞鳳見

天乙在亳諸鄰國襁負歸德東觀於洛習禮堯壇降



三分沉璧退立榮光不起黃魚雙躍出濟于壇黑鳥  
以雄隨魚亦止化爲黑玉赤勒曰玄精天乙受神福  
伐桀克三年天下悉合

成王觀于洛河沉璧禮畢王退俟至于日昧榮光併  
出幕河青雲浮洛

醴甘也取名醴酒堯祗德匪懈醴泉出文命盛德俊  
義在官醴泉出山

秦穆公出狩至于咸陽日稷庚午天震大雷有火下  
化爲白雀銜籙丹書集于公車公俯取其書言繆公  
之霸也訖胡亥秦家世事



詩含神霧

闕名

詩者誠爲天地之心君德之祖百福之宗萬物之戶也

治世之音溫以裕其政平亂世之音怨以怒其政乖詩道然也

曹地處季夏之位土地勁急音中徵其聲清以急是也

日月揚光者人君之象也風雲列勢者將帥之氣也



聲容具之

上以風化下下以風刺上主文而譎諫言之者無罪  
聞之者足以戒

德化充塞照潤八冥則鸞臻也

含始吞赤珠刻日玉英生漢皇后赤龍感女媧劉季  
典也

古之火正或食于心或食于味以出內火故味爲鶉  
火心爲大火

菖蒲益聰茱萸耐老

鬱金十葉爲貫百二十葉采以煮之爲皂合芳物釀  
之以降神

雷震百里去相附近



詩紀曆樞

闕名

箕爲天口主出氣尾爲逃臣賢者叛十二諸侯列於庭

天霜樹落葉而鴻鴈南飛

立秋促織鳴女工急促之候也

凡黍爲酒陽據陰力能動故以麴釀黍爲酒

陰陽之會一歲再遇于南方者以中夏遇于北方者以中冬



王者受命必先祭天乃行王事詩曰濟濟辟王左右奉璋此文王之郊也

詩無達話易無達言春秋無達辭

古者劔在左刀在右鈞在前

彼苗者葭一發五羝孟春獸肥草短之候也

蟋蟀在堂流火西也

薰葭秋水其思涼猶秦西氣之變乎

聖人事明義以炤耀其所關故民不陷詩云示我顯

德行

梅柳驚春羊牛來暮



春秋元命苞

闕名

天不足西北陽極於九故天周九九八十一萬里天  
如雞子天大地小表裏有水地各承氣而立載水而  
浮天轉如車轂之過

地者易也言萬物懷任交易變化也自東極至於西  
極五億十萬九千八百八步

危東六星兩兩而北曰司空主水金守之天下憂水  
也



木之爲言觸也氣動躍也

水之爲言演也陰化淖濡流施潛行也故其立字兩人交一以中出者爲水一者數之始兩人譬男女言陰陽交物以一起也

水者天地之包幕五行之始焉萬物之所由生元氣之津液也

翼星主南宮之羽儀文物聲名之所豐茂爲樂庫爲天倡先王以賓於四門而列天庭之衛主俳倡近太微而爲尊

地所以右轉者氣濁精少含陰而起遲故轉右迎天佐其道

山者氣之包含所以含精藏雲故觸石而出

昂畢間爲天街散爲冀州分爲趙國立爲常山牽牛流爲楊州分爲越國立爲楊山軫星散爲荊州分爲楚國荆之爲言強也陽盛物堅其氣急悍也虛危之精流爲青州分爲齊國立爲萊山天弓星流爲徐州別爲魯國徐之言舒也言陰牧內安詳也五星流爲兗州兗之言端也言隄精端故其氣纖殺鈎鈐星別



爲豫州豫之爲言序也言陰陽分布各得處也東井  
鬼星散爲雍州分爲秦國得東井動深之萌其氣險  
也嘴參流爲益州益之言隘也謂物類並決其氣急  
切決列也箕星散爲幽州分爲燕國營室流爲并州  
分爲衛國并之爲言誠也精舍交并其氣勇抗誠信  
也

頭者神所居上圓象天氣之府也歲必十二故人頭  
長一尺二寸

掌圓法天以運動指五者法五行

王者置廷尉讞疑刑者官之平下之信也尉者尉民  
心撫其實也安立字士垂一人詰屈折著爲廷示戴  
尸首以寸者爲言寸度治法數之分示帷尸稽於十  
舍則法有分故爲尉示與尸寸宋均注曰士事也垂  
係也屍人死也人死不可無乃戴之者示天下不可  
無死也



春秋運斗樞

闕名

天文地理各有所主北斗有七星天子有七政也  
 北斗七星所謂璇璣玉衡以齊七政杓攜龍角衡殷  
 南斗魁枕參首是謂帝車運于中央臨制四鄉分陰  
 陽建四時均五行移節度定諸紀皆繫於斗  
 斗第一天樞第二璇第三璣第四權第五衡第六開  
 陽第七搖光第一至第四為魁第五至第七為杓合  
 而為斗居陰布陽故稱北斗



皇者天天不言四時行焉百物生焉三皇垂拱無爲  
設言而民不違道德玄泊有似皇天故稱曰皇皇者  
中也光也弘也含弘履中開陰布網上合皇極其施  
光明指天畫地神化潛通煌煌盛美不可勝量  
旋星明則嘉禾液

瑤光散而爲鹿江淮不祠則瑤光不明彘生鹿  
飛翔羽翮爲陽陽氣仁故鳥哺公也

瑤光星散而爲鳥

機星散爲鶉德義少殘

玉衡星散爲鴟

天樞得則鸞集

玉衡星散爲鷄遠雅頌著倡優則雄鷄五足

機星散爲雉

瑤光星散爲鶩

瑤光星散爲雀

玉衡星散爲李

璇星散爲橘

玉衡星散爲椒



玉衡星散爲菖蒲遠雅頌著倡優則玉衡不明菖蒲  
冠環

舜爲天子東巡臨觀黃龍五采負圖出置舜前圖以  
黃玉爲柙黃金繩封兩端章曰黃帝符璽也

赤龍負圖以出河見堯典太尉舜等百二十年集發  
藏大麓

機星得則麒麟生萬人壽

瑤光之星散而爲象

樞星散而爲虎

玉衡星散而爲兔行世瑤光則兔出月

璇星散爲姜風土失得逆時則姜有翼辛而不臭



春秋文曜鈎

闕名

魁戴匡六星曰文昌官為六府

軫南衆星曰天庫

曰咸池曰天潢五帝車舍也

楚有蒼雲如霓圍軫七蟠中有荷斧之人向軫而躡  
于是楚唐史畫遺灰而雲滅故曰唐史之策上滅蒼  
雲

老人星見則主安不見則兵起



王者往也神所同往人所歸落

庶人爭權赤帝之精

咸池天潢五星五帝居舍也

楚立唐氏以為史官蒼雲如蜺圓斬七蟠中有荷斧

之人嚮軼而蹲楚驚

商絃絕蠶合絲

七九六十三陽氣通故斗運狗三月而生也

土勝水故守宮食蠶螂蛆搏蛇

金伐木故鷹擊雉

三九二十七者陽氣成故虎七月而生陽立於七

故虎首尾長七尺般般文者陰陽雜也

水滅火故蚩螫鸚

鵠鶴者飛行居于陽夷狄之鳥穴居于陰



春秋合誠圖

闕名

天皇大帝北辰星也含元秉陽舒精吐光居紫宮中  
制御四方冠有五采文

帝坐玄扈洛上與大司馬容先等臨觀鳳皇銜圖帝  
前皇帝再拜受圖

帝堯之母曰慶都生而神異常有黃雲覆上

黃帝遊玄扈洛上與大司馬容光左右輔周昌等百  
二十人臨之有鳳啣圖以置帝前



堯母慶都蓋大帝之女生於斗維之野常三河東南  
天大雷電有血流濶天石之中生慶都

軒轅星主雷雨之神

大帝之精起三河之州中土之腴

霹靂擊于宮殿者妃后爭政

五光垂彩天下大嘉

赤彗火精如火曜長七尺

五殘主出亡

獄漢居正北方出地可六丈而赤主逐王

天皇大帝北辰星也含元秉陽舒精吐光居紫宮中  
制御四方冠呈五采

黃帝請問太乙長生之道太乙曰齋戒六丁道乃可  
成



春秋孔演圖

闕名

有人卯金豐擊玉鼓駕六龍

舜之將興白雲入房

湯將興白雲入房

鳳火精也

孔子曰丘授律吹律有姓

聖人在後曰望陽苞懷至德據少陽

舜目四瞳謂之重明承乾乾踵堯海內富庶



天命之見侯其門靈龜穴庭玄龍御雲

戴玉英光中再仁雄出日月角

其人日角龍顏姓卯金刀含仁義

正氣爲帝間氣爲臣宮商爲姓秀氣爲人

天子皆五帝精寶各有題序次第相據起必有神靈  
符紀請神扶助使開階立遂

王者當置圖錄坐旁以自立

鳥化爲書孔子奉以告天赤鳥集書上化爲黃

曰孔提命仰應泐爲赤制

黑帝治生五角之禽以觸民

孔子毋徵在遊大家之陂睡夢黑帝使請已往夢交  
語女乳必於空桑之中覺則若感生丘於空桑之中  
天子舉賢則景星放於天

王者德政海內富昌則鎮星入闕

黃帝將興黃雲升於堂

蒼之滅也麟不榮也麟木精也麒麟闕日無光

天命蕩白虎戲朝其終白虎在野

八政不中則鐵飛



詩含五際六情卽六義也一日風二日賦三日比四日興五日雅六日頌

作法五經束之天地稽之圖象質之三土施之四海也

八政不中則人無唇

孔胸文日制作定世符運

春秋說題辭

闕名

星之爲言精也陽之策也陽精爲日日分爲星故其字曰下生爲星

雲之爲言運也觸石而起謂之雲含陽而起以精運也

地之爲言媿也承天行其義也山陵之大非地不制含功以牧生也

易者氣之節含精宣律上經象天下經叶曆文言立



符象出期節彖言變化繫設類迹

尚書者二帝之迹三王之義所以推其期運明命授之際書之言信而言天地之情帝王之功凡百二篇第次委曲尚者上也上帝之書也

在事爲詩未發爲謀恬淡爲心思慮爲志故詩之爲言志也

詩者天文之精星辰之度

禮者體也人情有哀樂五行有興滅故立鄉飲之禮終始之哀婚姻之宜朝聘之表尊卑有序上下有體

王者行禮得天中和禮得則天下咸得厥宜陰陽滋液萬物調四時和動靜常用不可湏臾惰也

麥之爲言殖也寢生觸凍而不息精射刺直故麥含芒事且立也

稻之爲言藉也稻冬含水盛其德也故稻太陰精含水漸沍乃能化也江旁多稻固其宜也

粟助陽扶性粟之爲言續也粟五變一變而以陽生爲苗二變而秀爲禾三變而祭然謂之粟四變入臼米出甲五變而蒸飯可食陽以一立爲法故粟積大



一分穗長一尺文以七烈精以五六立故其字粟爲粟西者金所立米者陽精故西字合米而爲粟

天文以七列精以五故嘉禾之滋莖長五尺五七三十五神盛故連莖三十五穗以成盛德禾之極也

斗星時散精爲彘四月生應天理

鴈之言鴈起聖以招期知晚蚤故鴈南北以陽動故也

鷄爲積陽南方之象火陽精物炎上故陽出鷄鳴以類感也雞之爲言佳也佳而起爲人期莫寶也

地精爲馬十二月而生應陰紀陽以合功故人駕馬任重致遠以利天下月度疾故馬善走

槐木者虛星之精



春秋感精符

闕名

人主與日月同明四時合信故父天母地兄日姊月  
 注曰父天於圜丘之祀也母地於方澤之祭也兄日  
 於東郊姊月於西郊  
 黃帝之將興黃雲升於堂文命之候玄龍御雲天命  
 於湯白雲入房

霜殺伐之表秋季霜始降鷹隼擊王者順天行誅以  
 成肅殺之威若政令苛則夏下霜誅伐不行則冬霜



春和厚精符  
不殺草

人主含天光據璣衡齊七政操八極故君明聖人道  
得正則日月光明五星有度

日下淪於地則嘉禾興

麟一角明海內共一主也王者不割胎不剖卵則出  
於郊

王者上感皇天則鸞鳳至

大電繞樞星炤郊野感符寶而生黃金

山冬大霧十日已上不除者山崩之候

八月白露降雀卽高鳴相儆



春秋潛潭巴

闕名

火從井出有賢士從人起

天子有三寶謂璿璣玉衡律度也

下不兼蜚廉之草為不生

蟋蟀來天子無遠兵

君德應陽君臣得道叶度則日含王字含王字者日

中有王字也王者德象日光所照無不及也

霹靂擊宮失君精泄下有謀起



君德應陽則醴泉出又旅星得則醴泉出  
里社鳴此里有聖人其响百姓歸之

疾風拔木讒臣恣忠臣辱

天赤有大風發屋折木兵大起行千里

虹五色迭至照于宮殿有兵革之事

異之爲言怪也謂先發感動

女子化爲丈夫賢人去位君獨居丈夫化爲女子陰  
氣淖小人聚

宮有牛鳴政教衰諸侯相并牛兵之符也

天子文繡布地必動絕無嗣

枉矢黑軍士不勇疾流腫



春秋佐助期

闕名

天子涖斗諸侯應宿也

廐星傳令神明詩時

天廩食神明均名

虞舜之時景星出房

豆神名靈殖姓藥

麥神名福習

咸池主五穀

春秋左傳句解



太尉王甲卒神名辨會曰庫兵動鼓自鳴諸侯得衆也

繆公卽位仲夏大寒冰錯亂也

黃帝將興時有黃雀赤頭立于日傍黃帝曰黃者王精赤者火榮爵者賞也余今當立大功乎黃雀者桑也

僖公九年秋三年冬並大雨雹時僖公專樂齊女綺盡珠璣之好掩月光陰精凝爲災異昭公事晉陰精用密故災

黃星騁海水躍宋均曰黃星土精土主安靜躍則失常



春秋緯

闕名

月之將蝕則斗第二星變色微赤不明而蝕

黃帝坐於扈閣鳳凰銜書致帝前其中得五始之文焉

天皇地皇人皇兄弟九人分九州長天下也又曰天皇被跡在柱州崑崙山下

黃帝將起有黃雀赤頭立日旁帝占曰黃者土精赤者火熒雀者賞萌余當立乎



孔子坐玄扈洛水之上赤雀銜丹書隨至

玉澤馬者師曠時來

堯時龍馬銜甲赤文綠色臨壇上甲似龜廣袤九尺  
上有五色文

湯帝白狼握禹籙

帝伐蚩尤乃睡夢西王母遣道人披玄狐之裘以符  
授之

黃帝出游洛水之上見大魚殺五能牲以醮之天乃  
甚雨

武皇渡河中流白魚躍入舟中



春秋後語

孔衍

秦穆公將兄三人囚於內宮

蘇秦去韓之魏說襄王曰大王之地南有鴻溝陳留  
汝南鄆郡陵武陵新都東譙隸煮棗無䟽西有長蛇  
之地北有河水卷燕酸棗地方千里田舍廬廡之數  
無所不蓄牧人民之衆牛馬之多夜行不絕鞫鞫殷  
殷夫魏天下之強國也王天下之賢王也

張孟談謂趙襄子曰董安于之在晉陽公宮之垣皆



春秋後言  
荻蒿

晉太史屠黍見晉之亂以其國恣歸周

秦破魏軍於華陽走我將軍孟卯王使段干木子從  
與秦南陽木以千金和蘇代謂王曰欲璽者段干木  
子也欲地者秦也今王使王地者制璽欲璽者制地  
魏地不盡則不和且夫以地事秦譬猶以薪救火薪  
不盡火不滅也王曰是則然矣雖然事始已行不可  
更矣

蘇秦歸周雖多蓄亦何以爲於是夜發書篋數十得  
周書陰符而讀之欲睡引錐刺股血流至踝暮年以  
出揣摩曰此可以說當世之君矣

秦急攻趙求救於齊齊王曰必以長安君爲質兵乃  
出長安君者太后之小子也太后愛之不肯遣大臣  
強諫太后怒謂左右曰敢復言長安君爲質者老婦  
必肆其面

平原君對趙王曰沔池之會臣察安君之爲人也小  
頭而銳瞳子白黑分明小頭而銳斷敢行也瞳子白  
黑分明者視事明也



春秋後言  
荆軻謂樊於期曰願得將軍之首以獻秦王秦王必喜而見臣臣左手把其袖右手搵其胸

燕太子丹豫求天下名利七首得趙人徐夫人七首取之百金使工以藥淬之以試人血濡縷無不立死者

春秋繁露

漢 董仲舒

薺以美冬水氣也薺甘味也乘于水氣故美者甘勝寒也薺之言濟所以濟大水也

禮之所爲興也刀之在右白虎之象也

地出雲爲雨起氣爲風風雨者地之爲爲地不敢有其功名必上之于天

人之好惡化天之暖晴人之喜怒化天之寒暑  
春氣愛秋氣嚴夏氣樂冬氣哀



祭天地之牛繭栗宗廟之牛握賓客之牛尺此言德滋美而牲滋微也

醞去煙鴟羽去眯慈石取鐵頸金取火

蕪萸生于燕橋枳死于荆

木已生而火養之金已死而木藏之火樂木而養以陽水克金而喪以陰

大富則驕大貧則憂憂則爲盜驕則爲暴

性如繭如卵卵待復而爲雛繭待繅而爲絲性待教而爲善

春秋無通辭從變而移



禮稽命徵

闕各

王者得禮制則澤谷之中有白玉焉

出號令合民心則祥風至

天子祭天地宗廟六宗五岳得其宜則五穀豐雷雨  
時至四夷貢物

外內之制各得所四方之事無廢畜滯則遊囿六畜  
繁多天苑有德星應

王者刑殺當罪賞賜當功得禮之儀則醴泉出



祭五岳四瀆得其宜則黃雀見

孔子謂子夏曰群鵠至非中國之禽也

三年一禘五年一禘經紀所論禘祫與禴祭其言鮮矣

顓頊有三子生而亡去為疫鬼一居江水是為虐鬼  
魍魎一居宮室區隅善驚人小鬼于是常以正歲十  
二月令禮官方相氏掌熊羆黃金四目玄衣纁裳執  
戈揚盾帥百隸及童子而時儼以索室而驅疫鬼以  
桃弧葦矢工鼓且射之以赤丸五穀等洒掃以祛除

疾歿



禮舍文嘉

闕名

王者得禮制則澤谷之中有白玉焉

五祀南郊北郊西郊東郊中兆正謀五者天子公侯  
伯子男卿大夫士所以承天也

玉石得宜則太白常明

明堂所以通神靈感天地正四時出教化崇有德章  
有道也

祭五岳四瀆得其宜則黃雀見



神合文嘉  
伏羲德洽上下天應以鳥獸文章地應以龜書乃則  
象作易

禹垂意于溝洫百穀用成神龍至靈龜服玉女敬養  
天賜

作樂制禮得天心則景星見

雲者運氣布恩普也

保章氏以五雲之物辨吉凶水旱豐荒之禮

出號令合民心則祥風至

神靈滋液百寶爲用則白象至

神鼎者質文精也知吉凶存亡能輕能重能息能行  
王者興則出



禮斗威儀

闕名

帝者得其英華王者得其根核霸者得其附枝故帝道不行不能王王道不行不能霸霸道不行不能守其身

歲凶年穀不登君膳不祭肺馬不食穀孟春之日天子乃以元日祈穀于上帝孟夏驅獸無害五穀仲夏之月乃命百縣雩祀百辟以祇穀實孟秋之月農乃登穀天子嘗新先薦寢廟臣專政私其君位則草木



不生禾穀不實

君乘木而王其政升平則福草生廟中朱草别名又曰南海翰以蒼鳥

君乘金而王其政訟平芳桂常生麒麟在郊又曰乘金而王則黃銀見

君乘水而王爲人黑色大耳其政和平則景雲至比海輪以文狐

君乘火而王其政和平梓爲常生又曰南海輪以駿馬

君乘土而王其政太平鳳凰集于苑林

政理太平則時日五色

政太平則月圓而多輝政升平則月滿而明



大戴禮逸

闕名

華氏掌供樵契以待卜事杜子春注曰樵讀如薪樵之樵謂所爇灼龜之木

高后崩丞相陳平等使人迎代王計未定遂卜之龜花得大黃庚

我龜既厭不我告猷鄭玄注卜筮數而瀆龜龜靈厭之不復告其所圖之吉凶也言雖得兆繇不中也

武王有疾不豫二公曰我其為王穆卜



卜法天地象四時

大夫已上事卜且筮士則但筮尊卑之差

晉獻公欲以驪姬爲夫人卜之不吉筮之吉公曰從筮筮短龜長不如從長

王者必制巡狩之禮何尊天重民也所以五年一巡狩何五歲再順天道大備所以至四嶽者盛德之山四方之中能興雲致雨也巡狩者何巡循也狩牧也爲天循行牧民也

楚焯以荆爲之燃以灼正以荆者凡木心圓荆心方也



樂稽耀嘉

闕名

武王承命興師誅于商萬國感喜軍渡盟前歌後舞  
乃大安家給人足酌酒鬱搖

冬至日祭天于圜丘用蒼璧牲同玉色樂用夾鍾為  
宮樂作六變

社土地之主地濶不可以盡祭故封土為社以報功  
也稷五穀之長穀衆不可以徧祭故祀稷為神以主  
之也



凡求雨男女欲和而樂又曰開神山神淵積薪夜擊鼓譟而燔之

殷之德陽德也故以子爲姓周之德陰德也故以姬爲姓

郊祀之辭九句九陽數也

鍾太陽其聲宏寬瑟少陰其音清遠

心不得義不能樂體不得利不能安

先王之德澤在民民樂而歌之以爲詩說而化之以爲俗

地蓄莫如山天開莫如樂



孝經釋神契

闕名

三皇步五帝驟三王馳五霸驚或稱帝王接上稱天子明以爵事天接下稱帝王明以號令臣下

元氣混沌孝在其中天子孝天龍負圖地龜出書妖孽消滅景雲出遊庶人孝則澤林茂浮珍舒怪艸秀水出神魚

明堂之制東西九筵筵長九尺也明堂東西八十一尺南北六十三尺故謂之太室



黑墳宜黍麥

泰山天地帝孫也主召人魂

人頭圓像天足方法地五藏像五行四腴法四時九  
竅法九分目法日月肝仁肺義腎志心禮膽斷脾信  
膀胱決難髮法星辰節法日歲腸法鈐

伏羲氏日角衡連珠

仲冬昴星中叔苜芋

神靈滋液則碧玉出

周成王時越裳獻白雉去京師三萬里王者祭祀不

相踰晏食袍服有節則至

奎主文章蒼頡效象洛龜曜書丹青垂萌畫字宋均  
注曰奎星屈曲相鈎似文字之畫蒼頡視龜而作書  
則河洛之應與人意所惟通矣

孔子制作孝經使七十二子向北辰磬折使曾子抱  
河洛事北向孔簪縹筆衣絳单衣向北辰而拜  
椒薑禦濕菖蒲益聰巨勝延年感喜辟兵此皆上聖  
之至言方術之實錄也

伏犧大目孔子海口言若含擇斗唇吐教陳機授度



舜手握袞

計九州之別壤山陵之大川澤所注菜沮所生鳥獸所聚凡九百一十萬八千二十四頃磽塉不墾者千五百萬二千頃

德至山陵則景雲出德下至地則嘉禾生德至水泉則黃龍見

德至草木則芝草生又曰善養老則芝草茂又曰德至於草木則木連理

德至鳥獸則麒麟臻鳳凰翔鸞鳳舞又曰德至鳥獸

則白鳥下

王者奉已儉約臺榭不侈尊事耆老則白雀見

天子孝天孽消滅景雲出遊



孝經鈎命決

闕名

先立春七日勅獄吏決詞訟有罪當入無罪當出立  
春勅門欄無關鑰以迎春之精下弓載楯鼓示時聲  
動昆虫也

三皇步五帝驟三王馳五霸鶩或稱帝王接上稱天  
子明以爵事天接下稱帝王明以號令臣下

國多孝則風雨時

孝旨如醴泉

孝經鈎命決



春政不失五穀彙初夏政不失甘雨時季夏政不失地無笛秋政不失人民昌冬政不失少疾喪五政不失百穀稚熟日月光明

作樂制禮孝以事天則景星見也

流深者其水不測孝至者其敬無窮

正朝夕者視北辰正情性者視孝子

父之所生其子長之父之所長其子養之父之所養其子成之諸父所爲其子皆奉承而續行之不敢不致如父之意

不時謂之敗歲不孝謂之戮民



孝經左契

闕名

元氣混沌孝在其中天子孝天龍負圖地龜出書天  
孽消滅景雲出游庶人孝則澤林茂浮珍舒怪草秀  
水出神魚

孝悌之至通於神明病則致其憂顧額消形求醫翼

全

孝順二親得筭二千天司錄所表事賜筭中功社福

永來



赤雀者王者孝則銜書來

孝經者篇題就號也所以表指括意序中書名出義見道曰著一字苞十八章為天地喉襟道要德本故擬以題符篇冠就

孝悌之至通於神明則鳳凰巢

周襄王不能事其母弟彗入斗亡其度

不孝敬痺在喉壽命凶

天序日月星辰以自光人序孝弟忠敬以自彰務一

德也

孝之瀰身也猶春氣之澹澹也



孝經右契

闕名

孔子夜夢豐沛邦有赤烟氣起顏回子夏偕往觀之  
驅車到楚西北范氏之廟見芻兒捶麟傷其前左足  
束薪而覆之孔子曰兒汝來姓爲誰兒曰吾姓爲赤  
松子孔子曰汝豈有所見乎吾所見一禽一如麀羊  
頭頭上有角其未有肉方以是西走孔子發薪下麟  
孔子而蒙其獸

制作孝經道備使七十人弟子向北辰星而聲折孔



子絳單衣向星而拜

孔子在庶德無所施功無所就志在春秋行在孝經以春秋屬商孝經屬參

曾子撰斯問曰孝文手駁不同何予曰吾作孝經以素王無爵祿之賞斧鉞之誅與先王以託權自至德要道以題行首仲尼以立情性言子曰以開號列曾子示撰輔詩書以合謀

內深藏不足爲神外博觀不足爲明惟孝者爲能法天之神麗日之明

孝匪形迺格神



孝經內事

闕名

天子行孝則景星見

王者動得天度止得地意從容中道陰陽合度則大  
微五帝座星明以光也

王者得禮之制不傷財不害民君臣和草木昆蟲各  
象正性則三台爲齊明不濶不狹如其度宋均云君  
臣制度官室車旗多少各有斜品則應也

王者敬諸父有差則火角光明以揚宋均云諸父伯



仲叔季也斗爲帝車所乘也角堅剛而居帝前帝敬  
諸父感天應之也

王者遠嫌別微殊貴賤抑驕臣息亂子則屏星爲之  
明以潤章大也

天子得雲臺之禮則五車均明河行不離其常宋均  
云天子考察天氣若梓慎見星之侵者也所以獲福  
禳災五車主五穀民禳災得福民無飢寒之困五穀  
星之明以應之河若離常則有決溢之憂則九穀失  
所植矣

昆弟有親親之思則鈞鈴入房宋均云鈞鈴遠房則  
䟽濶今昆弟相親故天相近明其友也

王者厚長幼各得其正則房心有德星之應宋均云  
房心爲天子明堂布政之官長幼厚則政著明房心  
應之而時也

彗在北斗禍大起在三台臣害君在太微君害至在  
天獄諸侯作禍彗行所指其國大惡四彗在月中者  
君有德天下欣心大豐盛



五經折疑

魏 邯鄲綽

夫笙者泐萬物始生導達陰陽之氣故有長短黃鍾  
之始象泐鳳皇

矢絕於弦不可追上執戟在手制之在人

諸侯黼表以誓田雜羔狐爲黼文也

鼓所以檢樂爲群音之長也

王者一歲七祭天地仲春后妃郊禘禘亦祭天也  
明堂在國之陽三里之外七里之內地就陽位也



春秋公羊說禮郊及日皆不卜常以正日上下也魯  
于天子並事變禮今成王命魯使卜從乃郊不從卽  
以下天子也魯以上辛郊不敢與天子同也

謹按周禮說五玉贄自孤卿以下執禽尊卑有差也  
禮不下庶人工商之無朝儀五經無朝儀五經無說  
庶人工商有贄

禮祭法云天子有祧遠廟曰祧將祧而去之故曰祧  
去祧曰壇去壇曰壇皆藏於祖廟有事則禱無事則  
止

八風殺生以節翺翺



五經通義

闕名

鄭國有溱洧之水男女聚會謳歌相感

玉有五德溫潤而澤有似於智銳而不害有似於仁  
抑而不撓有似於義有瑕於內必見於外有似於信  
垂之如墜有似於禮

月中有兔與蟾蜍兔月陰也蟾蜍陽也而與兔並明  
陰係於陽也

冬至寢兵鼓商旅不行君不聽政事又曰冬至陽氣



五經通義  
萌陰陽交精始成萬物氣徵在下不可動泄王者承天理故率天下靜而不擾也

夏至陰始動而未達故寢兵鼓不設政事所以助微氣之養也

冬至陽動于下推陰而上之故大寒於上夏至陰動于下推陽而上之故大熱于上故易云日月運行一寒一暑日在牽牛則寒在東井則暑牽牛外宿遠人故寒東井內宿近人故溫也  
寒氣凝以爲霜霜從地升也

諸侯冢樹栢

東夷之樂持矛舞助時之生南夷之樂持羽舞助時之養

舞四夷之樂明澤廣被四表也東夷之樂曰離南故太寧末又訪防夫等增益之咸和中乃復直太一官鳩習遺逸又未有金石也初荀勗旣以新律造三舞次更修正鐘磬勗一事猶不竟元康三年詔其子黃門郎蕃修定

吳公卿奏曰烈祖未制樂舞非所以昭德著功夫歌



以誅德一以象事于文武爲斌兼秉文武聖德所以彰也

受命而王者六樂焉以太一樂天以咸池樂地以肆夏樂人以大夏樂四時以大濩樂五行神明以大武樂六律各象其性而爲之制以樂其先祖

湯作濩聞其宮聲使人溫良而寬大聞其商聲使人方廉而好義聞其角聲使人隱惻而愛人聞其徵聲使人樂養而好施聞其羽聲使人入恭儉而好禮

王者所以祭天地何王者父事天母事地故以子道

事之祭日以丁與辛何丁者反覆自丁寧辛者當自剋辛也

王者諸侯所以三年以禘五年以禘何三年一閏天道小備故三年一禘禘皆取未遷廟主合食太祖廟中五歲再閏天道大備故五歲一禘禘者禘也取已遷廟主合食太祖廟中

諸侯不得觀四方故缺以東南類天子之學故曰類宮

王者受命而起所以立靈臺靈臺何以爲在於中也



國之南附近辟雍依仁宮也靈臺制度奈何師說曰  
積土崇增其高九仞上平無屋高九仞者極陽之數  
上平無屋望氣顯著

龍魚河圖

闕名

太白之精下爲風伯之神主司刑星辰之精下爲靈  
星之神主得上

風者天之使也

玄洲在北海中地方三十里去南岸十萬里上有芝  
草玄澗澗水如蜜味服之長生

崑崙山天中柱也

蚩尤兄弟八十一人並銅頭鐵額食沙石



高皇攝正總萬廷四海歸詠治武明文得道治承天  
精元祚興隆協聖靈

黃帝負圖鱗甲成字從河中出付黃帝令侍臣圖寫  
以示天下

黃帝攝政蚩尤兄弟八十人並獸身人語銅頭鉄額  
食沙石造兵杖威震天下誅殺無道不仁不慈黃帝  
行天下仰事天而歎天遣玄女下授黃帝兵信神符  
而令制伏蚩尤歸臣因使鎮兵以制八方

流洲在西海中地方三千里上多山川積石名爲昆

吾石冶其石爲鐵作劍光明照洞如水精以割玉如  
土



河圖括地象

闕名

天有五行地有五岳天有七星地有七表天有八氣  
 地有八風天有九道地有九州天有四維地有四瀆  
 天有九部八紀地有九州八柱東南神州曰晨土正  
 南邛州曰深土西南戎州曰滔土正西弇州曰开土  
 正中冀州曰白土西南柱州曰肥土北方玄州曰成  
 土東北咸州曰隱土正東揚州曰信土崑崙山為柱  
 氣上通天崑崙者地之中也地下有八柱柱廣十萬



里有三千六百軸互相牽制名山大川孔穴相通  
天不足西北地不足東南西北爲天門東南爲地戶  
天門無上地戶無下

八極之廣東西二億三萬三千里南北二億三萬一  
千五百里夏禹所治四海內地東西二萬八千里南  
北二萬六千里

井絡纏曜江漢晒靈泉流深遠盛爲四潰之首

竒肱氏能爲飛車從風遠行

有民食桑二十七年而化九年生翼

令嘗野中有玉虎晨鳴雷聖人感期而興



河圖稽命徵

闕名

帝劉卽位百七十年太陰在庚辰江充詭其變天鳴地圻

君急恚怒無雲而雨

瑤光之星如虹貫日正白感處女於幽房之宮生帝顓頊

慶都與赤龍合生帝堯於伊祁

女登見大虹意感生舜於姚墟



修已見流星意感生帝戎文禹一名文命

扶都見白氣貫日意感生黑帝子湯

太姪夢長人感已生文王

怪目勇敢重瞳大口力楚之邦

秦距之帝名政虎口日角大目降鼻長八尺六寸大

七圍手握兵執矢名祖龍

帝劉季日角戴北斗背龜背龍眼長七尺八寸明聖  
而寬仁好任主

劉受紀昌光出軫五星聚井

大星如虹下流華渚女節氣感生白帝朱宣



河圖稽耀鉤

闕名

五星散爲五色之彗

太白散爲天狗主候兵

辰星散爲枉矢流枉矢所射可誅

填星散爲五殘主奔亡

熒惑散爲蚩尤旗主惑亂

鎮星散爲虹霓主肉淫又霓者氣也起在日側其色

青赤白黃



十月立冬爲節者冬終也立冬之時萬物終成爲節  
名小雪爲中者氣序轉寒雨變成雪故以小雪爲中  
也

狗三月而生陽主于三故狗各高三尺

七九六十三陽氣通故斗運狗三月而生

百世之後地高天下不風不雨不寒不暑民復食土  
皆知其母不知其父如此千歲之後而天可倚杵沟  
洵隆隆曾莫知其始終

王者封泰山禪梁父易姓奉度繼興崇功者七十三

君



河圖始開圖

闕名

黃帝問風后曰余欲知河之始開風后曰河凡有五  
皆始開乎崑崙之墟

黃帝名軒北斗黃帝之精母地祇之女附寶之郊野  
大電繞斗樞星耀感附寶生軒胷文曰黃帝子

帝命伯禹曰告汝九術五勝之常可以克之汝能從  
之汝師徒將興

伏羲禪於伯牛錯木作火



孔甲見逢氏抱小女妹喜帝孔甲悅之以爲太子履  
癸妃

伏羲氏以木德王天下之人未有宅室未有水火之  
和於是乃仰觀天文俯察地理始畫八卦足天地之  
位分陰陽之數推列三光建分八節以文應瑞凡二  
十四消息禍福以制吉凶

黃帝修德立義天下大治乃召天老而問焉余夢見  
兩龍挺白圖卽帝以授余於河之都

天地開闢元曆名月首甲子冬首日月五星俱起牽

牛



洛書甄耀度

闕名

周天三百六十五度四分度之一夫一度爲千九百三十二里則天地相去六十七萬八千五百里

黃帝曰凡人生一日天帝賜筭三萬六千又賜紀二千聖人得三萬六千七百二十凡人得三萬六千一紀主一歲聖人加七百二十

天之東西南北極各有銅頭鐵額兵長三千萬丈三千億萬人



千歲之後天可倚杵

元氣無形匆匆隆隆偃者爲地伏者爲天

嶓冢山上爲狼星武開山爲地門上爲天高星主圉  
圍荆山爲地雌上爲軒轅星大別爲地理以天合地  
以通三危山在鳥鼠之西南上爲天苑星政山在崑  
崙東南爲地乳上爲天糜星汶山之地爲井絡帝以  
會昌神以建福上爲天井星桐栢爲地穴鳥鼠同穴  
山之幹也上爲掩畢星熊耳山地門也精上爲畢附  
星耳

月者陰之精地之理



遁甲開山圖

闕名

有巨靈者偏得元神之道故與元氣一時生混沌

女狄暮汲石鈕山下泉水中得月精如鷄子愛而含

之不覺而吞遂有娠十四月生夏禹

遼東有襄平山多饒鬼目之菜生而有神虎龍蛇大

魚守之雲氣覆之食之令人不飢

霍山南岳有雲師雨虎

五龍受爰皇後君也兄弟四人皆人面龍身長日角



遊學開山圖  
龍木仙也次日羽龍水仙也父曰宮龍土仙也父子  
同得仙治在五方今五行之神也

盧氏山宜五穀可以避水災因山以名縣

帝少昊死葬雲陽山

天皇被跡在桂州崑崙山下

石樓山在琅琊昔有巢氏治此山南

仇夷山西絕孤立太昊之治伏羲生處

女媧氏沒大庭氏王有天下五氣異色次有柏皇氏

中央氏栗陸氏驪連氏赫胥氏尊盧氏祝融氏混沌

氏英氏有巢氏葛天氏陰康氏朱襄氏無懷氏凡十  
五代皆襲庖羲之號自無懷氏已上史經不載莫知  
都之所在

霍山南岳其獸多赤貂

梧桐不生則九州異

河東有獨頭山多青檀可以爲良弓

榮氏解曰女狄暮汲於石紐山下大祠前水中得月  
精如雞子愛而舍之不覺而吞遂有身十四月而生

夏禹



淮南畢萬術

闕名

七月七日採守宮陰乾之合以并華水和塗女身有  
文章卽以丹塗之不去者不淫去者有奸

埋石四隅家無鬼

夜燒雄黃水虫成對來水虫聞燒雄黃臭氣皆趨火  
磁石拒碁取雞用作針針磨鉄擣之以和磁石日塗  
碁頭曝乾之置局上卽相拒不休

磁石一名磁君



取曾青十斤燒之以水灌其地雲起如山雲矣曾青  
爲藥令人不老

天雄鶴胎日行千里

烏喙蛇肝病不苦

螢火却馬註云取螢火裹以羊皮置土中馬見之鳴  
却不敢行

守宮塗臍婦人無子取守宮一枚置甕中及蛇衣以  
新布密裹之懸於陰處百日治守宮蛇衣分等以唾  
和之塗婦人臍磨令溫卽無子矣

鵲腦令人相思取雌雄鵲各一蟠之四道通丙寅日  
與人共飲酒置腦酒中則相思也

首澤浮針取頭中垢以塗塞其孔置水卽浮

苓皮蠟脂魚鼈自聚注曰取苓皮潰水斗半燒石如  
炭狀以碎蠟脂置苓皮水中七日已置沼則魚鼈日  
聚矣

老槐生火膠橈水則清弊箕止鹹取箕以內醬中鹹  
著箕矣

取虬脂爲燈置火中卽見諸物



沙虱一名蓬活一名地脾

青蚨還錢青蚨一名魚或曰蒲以其子母各等置瓮中埋東行陰垣下三日後開之卽相從以母血塗八十一錢亦以子血塗八十二錢以其錢更牙市

竹蟲飲人自言其誠

蜘蛛塗布而雨自稀取蜘蛛置甕中食以膏百日然以塗布不濡也

取蜘蛛與水狗及猪肪置甕中密以新繻仍懸室後百日視之蜘蛛肥殺之以塗足涉水不沒矣又一法

取蜘蛛二七枚內甕中合肪百日以塗足得行水上故曰蜘蛛塗足不用橋梁

爲毛犬尾親友自絕

蝦蟇得瓜平時爲鶉

燒角入山則虎豹自遠

拔劍倚戶兒不夜驚



淮南縣志

三



